

M I S N I A.

consulti. Tum ordinarii Advocati quatuor ad causas ordinandas, & ad causas amice componendas Nobiles duo, cum totidem Iurisconsultis. Nundinae Lipsienses à Maximiliano I Imperatore anno 1467 & 1469 confirmatae sunt, & ita constitutae, ut quotannis vere, autumnò, & Kal. Ianuarii in omne tempus celebrari ac frequentari possint, nec fas sit similes in Halberstadiana vel Misnienfi, vel Merceburgensi diocesi ad quindecim milliaria indicare. Academia Lipsica ortum habuit ex Pragenfi, sub Friderico Electore Saxoniae anno 1409, concessis ei duobus Collegiis, uno majore in equestri vico, altero minore in vico B. Petri. Distinctae quoque sunt nationes, in Misnensem, Bavaricam, Saxonicam, & Polonicam. Ioannes XXIII Papa Canonicatus sex Academiae dedit, duos ex Misnensi Episcopatu, duos ex Merseburgico, singulos ex Numburgensi & Cicensi. Principes quoque pagos tres contulerunt, Cozschinam, Mercovicium, & Hoheheidam. Sub Henrico Duce mutatio facta est Ecclesiae. Sub Mauritio ingens ad Academiam bonorum accessio. Concessi pagi quinque, evocati professores, Ioachimus Camerarius, Ioannes Reticus, alique. Anno 1517 obsessa est per dies 14 Lipsia à Ioanne Friderico, qui regionem suam, licet proscriptus, conatus est Mauritio eripere, sed ob gelu soluta est obsidio. Curia sumptuose exstructa est anno 1556, cum tabernis mercatorum, & libra, supra quam aula ingens ad honestiorum civium convivia. Castrum ad Plisnam aedificare coepit Mauritius, absolvit Augustus. Anno 1595 Rector Universitatis designatus est Vdalricus Sleswici & Holsatiae Dux. Anno

1602 Philippus Iulius Stetini & Pomeraniae Dux. Biennio post Adolphus Fridericus Dux Megapolensis.

Dresda propter Albim, supra Misnam sita est ^{*Dresda.*} vetus & nova, quae ponte committuntur. Illa ad Lusatiam, haec ad Misnam spectat. Illa Slavorum opus, qui ante Henricum Aucupem ad Albim incolere: haec post Hunnorum irruptionem fuit veteris Dresdae colonia. Sed hanc Imperator Misnensi Ecclesiae dedit. Adolphus Nassovius, qui auro, Anglicano Thuringiam emerat, adflixit Misnam: venerunt autem tunc in ejus potestatem Friberga, Dresda, Misnia. Anno 1303 Dresda cessit Regibus Bohemiae, quod eam Wenceslaus ab Alberto Misnensi Praeside emisisset: non multo tamen post rediit ad Henricum Marchionem: qui numeratis mille sexaginta marcis à Misnensi Episcopo Witigone eam redemit. Ex eo crevit urbs. Pons aedificari coepit anno 1070, estque decennio post consummatus. Omnium is totius Germaniae pontium est elegantissimus & firmissimus, ut qui passus 800 vel cubitos nongentos, fornices vero sive arcus habeat viginti quatuor, de quibus tamen quatuor propter arcis ampliationem decesserunt. Pragenfis hoc est minor. Sunt qui ejus initium referant ad Ottonem Divitem, qui ex redditibus argentifodinarum Fribergensium eum coepit. exstruere sub annum MCLXXV. Idem perfectum ajunt tempore Henrici Illustris, anno MCCCXII.

Torga, cerevisia, quae ibi coquitur, & ab ea ^{*Torga.*} nomen habet, nobilis est. In eodem tractu sunt *Ilenburgum*, *Antique cella*, *Lauterburgum*, & alia oppida. Fluminibus rigatur Albi, Sala & Mulda.

